



KOMUNIKADO PA PRENSA

Fecha
01/09/2016

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

Mahaaiweg sera entrante djaluna awor.

Willemstad – E barío di Mahaai aktualmente ta den un renobashon total. Minister Camelia-Römer huntó ku Servisio pa Obra Públiko (OW) ta ehekutando un plan grandi di mantenshon di kayanan den Mahaai. Awor ta yega turno pa sera Mahaaiweg mes pa mantenshon. Mahaaiweg, for di Kaya Urdal te ku St. Rosaweg, lo ta sera pa tráfiko entrante djaluna awor 5 di sèptèmber.

E trabounan aki ta importante pa asina: 1) mehorá e estado aktual di e infrastruktura di e kaya, 2) alsa siguridat, 3) duna mihó posibilidat pa parker, i 4) sòru pa un mihó desaguè di e área konserní.

Aliansa Civil & Roadworks B.V. ta e kontratista enkargá ku e proyekto aki ku lo tin un durashon di 4 luna. OW ta pidi tur komersiante i habitantenan pa tene un tiki pasenshi. Tur ku mester yega tantu na Johan van Walbeek School i/òf Römerschool por hasi uso di e siguiente rutan: 1) Drenta Schout bij Nacht Doormanweg, Kaya Urdal, Magdalenaweg, Franschebloemweg, Sta Rosaweg, òf 2) Kaya Urdal, Magdalenaweg, Suikertuinjeweg, Schottegatweg.

Fransche Bloemweg lo wòrdu adaptá temporalmente den un kaminda di dos direkshon pa asina fasilitá e tráfiko pa ku skolnan, habitantenan i empresanan den área aki.